



## TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil « 18 » 02

08-37 -son

### **Махсус жамғарма ҳисобидан устама ҳақлар тайинлашни ташкиллаштириш тўғрисида**

Ўзбекистон Республикаси Президентининг 2017 йил 28 апрелдаги “Тошкент давлат юридик университетида кадрлар тайёрлаш тизимини тубдан такомиллаштириш ва самарадорлигини ошириш чора-тадбирлари тўғрисида”ги ПҚ–2932-сон ва 2018 йил 13 апрелдаги “Ўзбекистон Республикаси Адлия вазирлиги фаолиятини янада такомиллаштиришга доир ташкилий чора-тадбирлар тўғрисида”ги ПҚ–3666-сон қарорлари ҳамда 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича чора-тадбирлар тўғрисида”ги ПФ–5987-сон Фармониغا асосан, шунингдек, Тошкент давлат юридик университети кенгашининг 2020 йил 16 июндаги навбатдан ташқари 5-сон мажлис баённомаси билан тасдиқланган Тошкент давлат юридик университетининг Бошқарув, профессор-ўқитувчилар, илмий, ўқув-ёрдамчи, техник ва хизмат кўрсатувчи ходимларни моддий рағбатлантириш учун махсус жамғарма маблағларини шакллантириш ва улардан моддий рағбатлантириш учун фойдаланиш тартиби тўғрисидаги низом ҳамда Тошкент давлат юридик университети кенгашининг 2021 йил 12 февралдаги навбатдан ташқари 6-сон мажлис баённомасига мувофиқ

### **Б У Ю Р А М А Н:**

1. Тошкент давлат юридик университетининг Бошқарув, профессор-ўқитувчилар, илмий, ўқув-ёрдамчи, техник ва хизмат кўрсатувчи ходимларни моддий рағбатлантириш учун махсус жамғарма маблағлари



ҳисобидан ходимларга устама ҳақлар тайинлаш бўйича комиссия таркиби иловага мувофиқ тасдиқлансин.

2. Проректорлар, факультет деканлари, кафедра мудирлари ва бошқа таркибий бўлинма раҳбарлари ҳамда профессор-ўқитувчилар устама ҳақлар белгилаш бўйича асослантирувчи ҳужжатларни шакллантириб борилиши, сақланиши ҳамда ходимлар фаолияти бўйича тақдим этиладиган маълумотларни ҳаққонийлиги юзасидан **шахсий жавобгарлиги** белгилансин.

3. Мониторинг ва ташкилий-назорат бошқармаси (Д.Маҳкамов) **ўн кунлик муддатда** Тошкент давлат юридик университети ректорининг 2020 йил 18 декабрдаги 08-253-сон буйруғига университет ходимларини моддий рағбатлантириш учун махсус жамғарма ҳисобидан устама ҳақ белгиланишига оид ҳужжатлар сақланишини назарда тутувчи қўшимча киритилишини таъминласин.

4. Шундай тартиб жорий этилсинки, унга мувофиқ, устама ҳақлар белгилаш бўйича асослантирувчи ҳужжатларни сақлаш учун жавобгар бўлган шахслар лавозимидан озод этилганда ёки бошқа лавозимга ўтганда, устама ҳақ бўйича барча ҳужжатлар қабул қилиш-топшириш далолатномаси асосида янгидан тайинланган шахслар жавобгарлиги остига ўтади.

5. Проректорлар тегишли таркибий бўлинмаларнинг ушбу буйруқда белгиланган вазифаларга қатъий риоя этилишини таъминласин.

6. Тошкент давлат юридик университети ректорининг 2017 йил 7 сентябрдаги “Махсус жамғарма ҳисобидан устама ҳақлар тайинлашни ташкиллиштириш тўғрисида”ги 08-337-сон буйруғи ўз кучини йўқотган деб ҳисоблансин.

7. Мазкур буйруқ ижросини назорат қилиш молия-иқтисод ишлари бўйича проректор вазифасини бажарувчиси А. Иминов зиммасига юклансин.

Ректор

Р. Ҳакимов

**Тошкент давлат юридик университетининг бошқарув, профессор-  
ўқитувчилар, илмий, ўқув ёрдамчи, техник ва хизмат кўрсатувчи  
ходимларни моддий рағбатлантириш учун махсус жамғарма маблағлари  
ҳисобидан ходимларга устама ҳақлар тайинлаш бўйича комиссия  
ТАРКИБИ**

- |                     |  |
|---------------------|--|
| 1. Ҳакимов Р.Р.     | – Тошкент давлат юридик университети<br>ректори, Комиссия раиси            |
| 2. Рустамбеков И.Р. | – ўқув ишлари бўйича проректор – ТДЮУ<br>қошидаги академик лицей директори |
| 3. Салаев Н.С.      | – илмий ишлар ва инновациялар бўйича<br>проректор                          |
| 4. Умаров Д.М.      | – халқаро ҳамкорлик ва узлуксиз таълим<br>бўйича проректор                 |
| 5. Ҳашимхонов А.М.  | – ёшлар билан ишлаш бўйича проректор                                       |
| 6. Иминов А.А.      | – молия-иқтисод ишлари бўйича<br>проректор вазифасини бажарувчи            |
| 7. Ўразалиев М.Қ.   | – университет Касаба уюшмаси қўмитаси<br>раиси                             |
| 8. Матмуротов А.Р.  | – Кадрлар бўлими бошлиғи   |
| 9. Рахимов А.М.     | – Молия-иқтисод бўлими бошлиғи,<br>Комиссия котиби                         |

Изоҳ: Комиссия аъзолари бошқа ишга ўтган тақдирда унинг таркибига ушбу  
лавозимларга янгидан тайинланган ёки зиммасига тегишли вазифаларни бажариш  
юкланган шахслар киритилади.